

Naik hingga DG54

8/4 17/5/2011 MS 1

Najib umum kaedah baru kenaikan pangkat guru PDP

Oleh Mohd Roji Kawi,
M Hifzuddin Ikhsan
dan Nor Azma Laila
bhnews@bharian.com.my

KUCHING: Mulai Januari tahun depan, lebih 300,000 guru yang terbabit dalam pengajaran dan pembelajaran (PDP) berpeluang menikmati kenaikan pangkat hingga ke gred DG54 berbanding setakat gred DG48 sekarang, walaupun menabur bakti selama 25 tahun dalam perkhidmatan.

Jika berjaya menunjukkan kece merlangan dengan menampilkan perkhidmatan lebih bermutu seperti ditetapkan Lembaga Kenaikan Pangkat Perkhidmatan Pendidikan, mereka juga berpeluang mencapai Gred Khas C dan ke atas sebelum bersara.

Kaedah baru kenaikan pangkat khusus untuk guru PDP itu adalah hadiah kerajaan sempena Hari Guru tahun ini bagi mengiktiraf pengorbanan dan menyedari beban tugas mereka memenuhi tuntutan potensi modal insan negara.

INFO							
Jadual Gaji Perkhidmatan Perguruan (Gred Gaji Skim Saraan Malaysia)							
	DGA32	DGA34	DG44	DG48	DG52	DG54	Gred Khas C
Gaji Permulaan	RM2,416.06	RM3,005.94	RM2,982.99	RM4,355.00	RM4,900.47	RM5,167.64	RM6,595.99
Gaji Maksimum	RM 3,700.20	RM3,860.52	RM5,418.18	RM6,325.39	RM6,904.25	RM7,338.35	RM8,247.94
ELAUN		GRED GAJI					
	DGA32	DGA34	DG44	DG48	DG52	DG54	Gred Khas C
Imbuan Tetap Keralan	-	-	RM400	RM550	RM550	RM800	RM2,150
Imbuan Tetap Perumahan	RM180	RM180	RM400	RM700	RM700	RM900	-
Elaun Pengetua/Guru Besar	-	-	RM150	RM150	RM150	RM150	-
Elaun Tanggungjawab	RM60	-	RM120	RM120	-	-	-
Elaun Bantuan Sara Hidup	RM200 - RM300	RM200 - RM300	RM200 - RM300	RM200 - RM300	RM200 - RM300	RM200 - RM300	-
Imbuan Tetap Khidmat Awam	RM160	RM160	-	-	-	-	-
Imbuan Pembantu Rumah	-	-	-	-	-	-	RM500
Bantuan Penyelenggara Rumah	-	-	-	-	-	-	RM2,000

Kementerian perkenal empat kategori baru guru

BH Harian 17/5/2011 MS 6.

DARI MUKA 1

Ia diumumkan Perdana Menteri, Datuk Seri Najib Razak dalam perutusan beliau dalam rakaman video yang ditayangkan ketika Pelancaran Perayaan Hari Guru peringkat kebangsaan ke-40 oleh Timbalannya, Tan Sri Muhyiddin Yasin, di sini semalam dan disiarkan secara langsung menerusi televisyen.

Melalui kaedah baru berkenaan, guru diklasifikasi dalam empat kategori iaitu Guru Biasa, Guru Kanan, Guru Wibawa dan Guru Pendeta dengan mereka yang mencapai dua kategori tertinggi berpeluang mencapai sehingga gred DG54 dalam tempoh 25 tahun perkhidma-

tan, berdasarkan kecemerlangan.

"Mereka yang menunjukkan kecemerlangan terkemuka, boleh mencapai Gred Khas C dan ke atas sebelum bersara. Namun, guru yang tidak dinaikkan pangkat ke Gred Khas, masih berpeluang menikmati Pergerakan Gaji Tahunan. Untuk ini, kerajaan bersetuju menambah jawatan Gred Khas C bagi laluan PDP sebanyak 100 peratus kepada 72 jawatan, berbanding 36 jawatan sedia ada di bawah konsep Guru Wibawa dan Pendeta Guru," katanya.

Pada masa sama, kerajaan bersetuju menaikkan gred jawatan semua Pengetua Sekolah Menengah gred DG48 ke DG52, membabitkan 1,228 jawatan, manakala semua Guru Penolong Kanan (GPK) Sekolah

Menengah dinaikkan dari DG44 ke DG48 membabitkan 6,585 jawatan. Bagi GPK sekolah rendah kluster pula, mereka dinaikkan pangkat dari gred DGA32 ke DGA34.

Najib berkata, insentif itu adalah kesinambungan transformasi kecemerlangan dalam perkhidmatan perguruan yang mengambil kira keunikan tugas guru dan keperluan memberikan kenaikan pangkat melalui kaedah berasaskan masa (time-based).

Katanya, majoriti guru yang bertungkus lumus di bilik darjah hanya akan mengakhiri perkhidmatan mereka pada gred DG48 selepas berkhidmat selama 25 tahun dan sudah tiba masanya laluan kerjaya guru ditambah baik.

"Hakikatnya, sejarah pembangunan Malaysia dilakar melalui kalam guru, ia disuburkan hasil jerih payah dan pengorbanan warga pendidik di bilik darjah dan padang permainan dengan sebuah negara yang mahu serta bertamadun hebat tidak mungkin terbina tanpa insan bergelar guru.

"Hari ini di setiap ceruk rantau negara, guru tanpa mengenal erti penat lelah sentiasa membawa cahaya harapan kepada anak Malaysia. Merekalah yang membuka pintu gedung ilmu pengetahuan bagi membolehkan penerokaan khazanah minda seterusnya mengoptimumkan potensi modal insan," katanya.

Sementara itu, Muhyiddin ketika diminta mengulas mengenai bebe-

rapa tuntutan yang belum diselesaikan berkata, isu seperti guru siswazah yang belum mendapat kenaikan gred akan diselesaikan secepat mungkin.

"Perjawatan guru amat luas dan kita memandang serius setiap tuntutan yang dikemukakan serta perlu diteliti sebelum diselesaikan seperti isu guru siswazah yang berada di gred diploma.

"Begitu juga dalam mengukur pencapaian guru. Dulu kita sukar untuk menilai, tetapi menerusi sistem dan insentif baru, lebih banyak ganjaran disediakan dan ia berjaya melonjakkan keputusan peperiksaan Sijil Pelajaran Malaysia (SPM) dan Penilaian Menengah Rendah (PMR)," katanya.